



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XVI. Die Febrvarii.

urn:nbn:de:hbz:466:1-9625

XVI. DIE FEBRVARII.

BARTHOLOMÆVS
BORGARELLUS SCHOL.

Italus Tau-
rin. 1597.
16. Febr.

Mors.

Olim iuris ciuilibus professor. In Societate necdum Sacerdos humilitate, patientiâ, & morte insigni spectabilis. Siquidem, vt aiunt annuâ, cum de more Eucharistiam sumpseret, nec solito grauius haberet, repente P. Rectorem magnâ contentione ad se accersitum, rogauit solemnibus precationibus emigrantem sensim animam Deo commendaret. Atque inter sacras preces, quasi placido sopore obrepente, æternæ quietis compos factus est.

FRANCISCVS
RODRIGVEZ COAD.

Hispanus
Montellis.
16 Febr.
1601.
Labores.

Humilitas.

Euchar.

Obed.

IN hoc singularis fuisse visus est, quoddam alios ex alijs labores quæret, nunquam alteri permittens vllius laboris occasionem, quam ipse posset arripere. Fractis iam viribus, cum à labore prohiberetur, vbertim lacrymari visus, & dicere auditus est, se otiosum & indignum vesci pane seruorum Dei. Tempus quo cum alijs colloqui licebat à prandio, coram summo altari SS. Sacramento adorando transcribebat; inter S. Synaxim perpetuis lacrymis multâ voluptate perfusus, ac diuini illius cibi dulcedine. Sagax ad caprandum obedientiæ nutum, eò statim ibat, quod Superiorum voluntates inclinatas, poterat odorari. Bilanx videbatur, cuius pondus esset obedientiæ quacunq; aurâ perceptæ imperium. Vestem nouam non admitte-

bat, nec cibum alium, nisi analectaticlinij. Totus ex Dei voluntate pendebat. Crebra sani fuere in cælum suspiria. Aeger verò vitam in hisce verè absoluit: *Ametur Deus! Ametur, laudetur Christus, eiusque Parens Sanctissima.*

Amor Dei.

B. V.

P. G A S P A R
PETKOROSKI.

HVnc annuâ cibi modici, & penè infinitorum laborum virum vocant, cui totos dies variè satagenti, præterito prandio, cœna vulgaris esset plus satis, nullo præterea cibo admissio prandij omitti obrentu; Mathematicam, Theologiam moralem, diuinas literas exquisitè explicuit; linguarum Sacrarum apprime peritus, & ab eruditione vulgò Calepinus appellatus. Cracouiensi Episcopo cum esset à Confessionibus per itinera spectaculo fuit aulæ toti vita eius tam Religiosa, vt ab aulæ fumis nihil omnino eius candori decederet, nihil laxamenti accederet. Authoritatem illi accerserant solida conciones, & sparsa de illo Sanctimonix fama ore quâ aulicorum, quâ ipsius Episcopi; illorum quidem, quod illum ab omni lauitia tam alienum viderent, & aliquando deprehendissent neglecto lectulo molliore, duro scamno incumbere; huius verò, quod sapenuero disertè diceret, se tam Sancti Patris consuetudine fuisse indignum.

Polonus
Cracouiens.
16 Febr. 1612.
ætat 60.
Soc. 38.

Temperant.

Aula.

P. LUDOVICVS
DE PONTE.

Hispanus
Vallisolet. 16. Feb. 1624
ætat. 70.
Soc. 50.

Modestia.

Cassit.
Oratio.
Euchar.

Cubiculum.

Huius vita volumen meretur. Ad Societatem magno intus diuinitatis instinctu, P. Martini Guttierrez concionibus solidè Sanctis, & spectatâ P. Francisci Soarez in disputando modestia est permorus. P. Balthazaris Alvarez magni Magistri fuit in tyrocinio idoneus planè, capaxque discipulus. In perdocenda Philosophia ac Theologia, acre illi eruditumque ingenium, & imitatio doctæ modestiæ in Francisco Soarez adèdè perspectæ. Inde Nouitios gubernauit: & cum fracta illi esset valetudo, scripsit ea quæ legimus volumina pietatis; Virgo illi animus, corpus, vultusque modestia. Noctem sæpè totam peruigilationi dabat coram SS. Eucharistiæ Sacramento genibus nixus, magno animi gaudio, magno lumine cordis accensis; interdju verò illam sepius visirabat reddebatque rationes celestis lucis plenas, quare id agere sit Deo valdè gratū, nobis autem perutile. Auditus est aliquando velut fatiscens atque inambulans dicere: *satis luminis est, Domine: non plus Domine: sufficit.* Totum illi conclaue visum viuo quodam igne flagrare. Anno 1599. Seruiuit peste contactis, quandoquidem Indias adi-

re per obedientiam non licebat. A fructibus penitus abstinebat, vt se illa voluptate fraudaret. Carnifex cum esset sui corporis, visi sunt Angeli aliquando illum curare, fouere blandè, nauiter, accuratè. Ijdem postea eius cadaueri adstiterè. Sub annum 1604. voti Sacramento firmavit, nullum se deliberatum etiam veniale peccatum velle admittere. Arcana turbidorum cordium introspexit, & verbo composuit: vt taceam de futuris, de miris, quæ à Christo, à Beatissima Virgine Matre accepit. Sæpè conspectus est toto corpore coruscare radiis, globo igneo aliquando orantis capiti imminente. Visus est in morte stipatus Angelis in cælum ascendere; & à morte; non semel celesti eaque magna planè gloria nunc beneficium afferre ijs, à quibus videbatur, alias vero Doctoris Laureolam ostendere ob ea sibi decretam, quæ piè lucubrauit. Oratio illius plena fuit reuerentiæ celestiumque flammaram. Ad illa verba diuini officij: *Venite procidamus* humi prostratus Deum adorabat: nec interrompebat horam inchoatam, licèt quispiam interpellaret orantem. Eius chirographo cordi admoto sædæ tentationes fugatæ. Multa de illo & admiranda dixit celebris illa Marina de Escobar, quæ dabit eius vita.

Mortif.

Angels.

Pecc. Ven.

Oratio.

M. 71.

Brevitarius.

Cassitan.

XVII. DIE FEBRVARIJ.

P. RAYMUNDVS
DE PRADO.

Hispanus
Manilæ. 17.
Feb. 1605.

Her.

Sereni semper, & attentè ad Deum Animi. Cum Vice-Prouincialis munere fungeretur, pedesque Prouinciam visiraret, amisso recto itinere

re non sine periculo ceciderat, cum ecce se illi spectandum obiecisse dicitur tenerimus infans (cuius infantie mysterijs animum crebrò meditando pascebat) IESVS. Crux illi fessos humeros premebat, non sine significatione fatigationis; quam in dulcissimi paruuli aspectu videbat Raymundus

Iesulus.

Crux.

inerte.